

Na osnovu člana 12. stav (4), člana 37. stav (2), člana 39. stav (5), člana 44. stav (3), člana 51. stav (4), člana 52. stav (2), člana 53. stav (1), člana 54. stav (7), člana 55. stav (4), člana 56. i člana 57. Zakona o sjemenu i sadnom materijalu poljoprivrednih biljaka Bosne i Hercegovine ("Službeni glasnik BiH", broj 3/05), Uprava Bosne i Hercegovine za zaštitu zdravlja bilja donosi

## **PRAVILNIK**

### **O UPISU SORTI U SORTNU LISTU BOSNE I HERCEGOVINE**

#### **POGLAVLJE I. OSNOVNE ODREDBE**

Član 1.  
(Sadržaj Pravilnika)

Ovim Pravilnikom se propisuje način upisa sorti u Sortnu listu poljoprivrednog bilja u Bosni i Hercegovini (u daljnjem tekstu: Sortna lista) za biljne vrste za koje je obavezan upis u Sortnu listu, sadržaj Sortne liste i dosjea sorte, uslovi i postupak za obnavljanje upisa sorti u Sortnu listu, uslovi za prihvatanje i utvrđivanje imena sorte (denominacija), nadzor nad održavanjem sorte, sadržaj i način vođenja evidencije o održavanju sorte.

Član 2.  
(Definicije)

Izrazi upotrijebljeni u Zakonu o sjemenu i sadnom materijalu poljoprivrednih biljaka Bosne i Hercegovine (u daljnjem tekstu: Zakon) upotrebljavaju se i u ovom Pravilniku, a specifični izrazi upotrijebljeni u ovom Pravilniku imaju slijedeća značenja:

- a) "UPOV" je Međunarodna organizacija za zaštitu biljnih sorti;
- b) "CPVO" je Ured EU za zaštitu biljnih sorti;
- c) "DUS" (Distinctness, Uniformity and Stability) je utvrđivanje prepoznatljivosti, ujednačenosti i stabilnosti nove sorte;
- d) "VCU" (Value for Cultivation and Use) je određivanje vrijednosti sorte za proizvodnju i upotrebu;
- e) "in situ" znači na mjestu. Prema odredbama ovog Pravilnika to je održavanje sorti poljoprivrednog bilja u njihovom prirodnom staništu;
- f) "čuvana sorta" je posebno označena sorta u Sornoj listi prema odredbama člana 55. Zakona i člana 15. ovog Pravilnika.

#### **POGLAVLJE II. UPIS SORTI U SORTNU LISTU**

Član 3.  
(Propisane vrste poljoprivrednih biljaka)

(1) Upis u Sortnu listu, prema odredbama ovog Pravilnika, obavezan je za slijedeće biljne vrste:

- a) žita;
- b) industrijsko bilje (repa, uljano i predivo bilje);
- c) krmno bilje;
- d) povrće;
- e) krompir;
- f) vinova loza.

(2) Za sorte ukrasnog, začinskog, aromatičnog i ljekovitog bilja nije obavezan upis u Sortnu listu.

(3) Za sorte voćnih vrsta postupak upisa bit će određen posebnim propisima o postupku priznavanja i upisa u Sortnu listu.

#### Član 4.

(Postupak za upis sorti u Sortnu listu)

(1) Postupak upisa u Sortnu listu počinje podnošenjem Prijave za priznavanje i upis sorti, (u daljnjem tekstu: Prijava), a provodi se prema odredbama člana 39. Zakona.

(2) Prijava za priznavanje i upis sorti podnosi se u dva primjerka posebno za svaku sortu, prema odredbama posebnog propisa kojim se regulira priznavanje sorti poljoprivrednog bilja u Bosni i Hercegovini, na obrascu 1. u Prilogu 3. ovog Pravilnika.

(3) Uz prijavu iz stava (2) ovog člana prilaže se:

- a) UPOV ili CPVO Tehnički upitnik;
- b) punomoć o zastupanju u postupku priznavanja i upisa sorti za zastupnike stranih sorti poljoprivrednog bilja na Obrascu 4. koji je u Prilogu 3. ovog Pravilnika i njegov je sastavni dio.

(4) Rok za podnošenje Prijave iz stava (2) ovog člana, kao i postupak priznavanja sorti, propisuje se posebnim propisom o priznavanju sorti poljoprivrednog bilja u Bosni i Hercegovini.

(5) Prijava mora biti napisana čitko, na jednom od službenih jezika i pisama koji su u upotrebi u Bosni i Hercegovini i sadržavati dokaz o plaćenju naknadi za podnošenje prijave u skladu s propisima koji uređuju ovu oblast.

#### Član 5.

(Potupak provjere Prijave za upis sorte)

(1) Uprava Bosne i Hercegovine za zaštitu zdravlja bilja (u daljnjem tekstu: Uprava), provodi postupak provjere prijave, njegov sadržaj i

potpunost podataka prema odredbama posebnog propisa kojim se uređuje postupak priznavanju sorti poljoprivrednog bilja u Bosni i Hercegovini.

(2) Prijava je potpuna ako sadrži podatke o:

- a) podnosiocu Prijave;
- b) opunomoćenom zastupniku (ako postoji);
- c) licu odgovornom za održavanje sorte (u daljnjem tekstu: održavatelj sorte);
- d) o vrsti bilja;
- e) imenu sorte ili oplemenjivačku oznaku;
- f) izvoru sorte;
- g) namjeni sorte;
- h) ispitivanju različitosti, ujednačenosti i postojanosti (DUS), (Prilog 2. Pravilnika);
- i) opisu sorte u Tehničkom upitniku;
- j) genetski modificiranim organizmima (u daljnjem tekstu: GMO).

(3) U slučaju izmjene podataka uz Prijavu se dostavlja:

- a) prijava o promjeni podataka o održavatelju sorte na Sortnoj listi;
- b) dopuna podataka o održavatelju sorte na Sortnoj listi.

(4) Ukoliko je neki od dokumenata koji se zahtijevaju, napisan na drugom jeziku osim na jednom od službenih jezika koji su u upotrebi u Bosni i Hercegovini, podnositelj je dužan uz isti dostaviti i prijevod na jedan od službenih jezika koji su u upotrebi u Bosni i Hercegovini.

(5) Ukoliko se utvrdi da neki podatak ili dokument, koji se odnosi na sortu, nije priložen uz prijavu, a koji je potreban da bi se donijela odluka o prihvatanju prijave, Uprava će obavijestiti podnositelja prijave da u roku od sedam dana otkloni utvrđene nedostatke.

(6) Uprava će u saradnji s nadležnim organima entiteta i Brčko Distrikta dostaviti, podnosiocu Prijave, upisni broj sorte na Prijavi kao potvrdu da je sorta uključena u postupak ispitivanja u svrhu priznavanja i upisa.

### **POGLAVLJE III. UTVRĐIVANJE PRIHVATLJIVOSTI IMENA SORTE (DENOMINACIJA)**

#### Član 6.

(Obaveza predlaganja imena sorte)

(1) Ako podnositelj prilikom podno{enja Prijave nije priložio prijedlog imena sorte za upis u Sortnu listu, dužan je do kraja prve vegetacijske godine ispitivanja u postupku priznavanja sorte, predložiti ime sorte.

(2) Prijedlog imena sorte podnositelj Prijave dostavlja na obrascu 3. koji je u Prilogu 3. ovog Pravilnika i njegov je sastavni dio.

(3) Ako podnositelj Prijave ne predloži ime sorte do 30. juna druge godine ispitivanja upotrebne i privredne vrijednosti sorte (VCU) u postupku priznavanja, Rje{enjem }e se odbiti podnesena Prijava.

#### Član 7. (Ime sorte)

(1) Ime sorte (denominacija) može biti u obliku zami{ljenog imena ili u obliku koda.

(2) Podnositelj Prijave iz člana 6. mora naznačiti oblik imena za sortu. Ukoliko podnositelj prijave ne naznači na prijavi oblik imena sorte, kao predloženo smatrat }e se zami{ljeno ime.

#### Član 8. (Objavljivanje imena sorte)

(1) Ime bilo koje sorte biljke ne}e se objaviti ukoliko:

a) nije različito od imena bilo koje druge op}e poznate sorte;

b) se razlikuju samo u jednom slovu ili broju ili naglasku na slovu, vode}i računa o bliskim vrstama;

c) je isto ime sorte ve} registrirano u zemljama članicama UPOV-a, za istu vrstu ili bliske vrste tj. vrste koje se nalaze u istoj UPOV-oj klasifikacijskoj grupi.

(2) Lista UPOV-ih klasifikacijskih grupa nalazi se u Prilogu 1. ovog Pravilnika, a bliskim vrstama smatraju se vrste koje su klasificirane u istu klasu.

(3) Kao ime sorte ne mogu se koristiti:

a) oznaka valute ili tehnički pojmovi koji su vezani za težinu i mjere;

b) tehnički pojmovi koji su postali dio svakodnevnog jezika, koji se koriste kada se stavlja u promet sa sjemenom drugih sorti;

c) ime koje se koristi u skladu s drugim posebnim propisima.

#### Član 9. (Prihvatljivost imena sorte)

Ime sorte u obliku zami{ljenog imena ne}e biti prihva}eno ako:

a) sadrži samo jedno slovo;

b) sadrži seriju slova koja formiraju neizgovorljivu riječ, izuzev ukoliko ne formiraju ustanovljenu skraćenicu, može sadržavati najviše dvije utvrđene skraćenice, od najviše tri znaka, koje se nalaze na oba kraja imena sorte;

c) sadrži broj, izuzev kada je broj integralni dio imena ili kada indicira da je sorta biti jedna u seriji srodnih sorti;

d) sadrži više od tri riječi izuzev kada je takvo ime već čini prepoznatljivom ili ponovljenom (odobrenom u nekoj od zemalja članica UPOV-a);

e) sadrži izuzetno dugu riječ;

f) sadrži crticu, tačku, razmak izuzev između riječi;

g) sadrži kombinaciju velikih i malih slova u riječi;

h) sadrži druge oznake, simbole, indekse i eksponente;

i) navodi na pogrešan zaključak:

1) da sorta sadrži određena svojstva;

2) da je sorta u srodnosti ili je izvedena od druge sorte;

3) da samo ta sorta sadrži određeno svojstvo ili vrijednost;

4) da je sorta neka druga sorta zbog sličnosti s poznatom trgovačkom markom vezano uz identitet prijavljivača, održavatelja ili oplemenjivača sorte.

j) sadrži komparativ ili superlativ;

k) sadrži latinsko ili domaće ime roda ili vrste ili dio imena poljoprivredne grupe bilja kojoj sorta pripada;

l) sadrži ime fizičkog ili pravnog lica koje navodi na pogrešan zaključak vezano za prijavljivača, održavatelja ili oplemenjivača;

m) sadrži geografske pojmove, imena koja mogu navoditi na pogrešan zaključak vezano za svojstva ili vrijednost sorte.

#### Član 10.

(Prihvatljivost imena sorte u obliku koda)

Ime sorte u obliku koda nije prihvatljivo ukoliko:

a) sadrži veliki broj samo brojeva, izuzev u slučaju inbred linija ili sličnih tipova sorte;

b) sadrži samo jedno slovo;

c) sadrži više od deset slova ili slova i brojeva;

- d) sadrži vi{e od četiri bloka slova ili slova i brojeva ili brojeva;
- e) sadrži crticu, tačku, drugu oznaku, simbol, indeks i eksponent.

Član 11.  
(Različitost imena)

(1) Razlika u jednom slovu kod imena sorte smatrat }e se dovoljna u slučaju:

- a) utvrđenih skra}enica kao zasebne cjeline imena sorte;
- b) kada se prvo slovo imena sorte razlikuje;
- c) ukoliko je ime sorte kratko.

(2) Odredbe ovog člana ne odnose se na ime sorte, kada je ime sorte u obliku koda.

Član 12.  
(Kori{tenje istog imena)

Isto ime sorte može se koristiti kada sorta nije vi{e na trži{tu, a pro{lo je deset godina od njenog brisanja sa Sortne liste.

Član 13.  
(Postupak utvrđivanja prihvatljivosti imena sorte)

(1) Postupak utvrđivanja prihvatljivosti imena sorte provodi Uprava u skladu s propisima o priznavanju sorti poljoprivrednog bilja u BiH.

(2) Na predloženo ime sorte svako ko iskaže pravni interes može Upravi podnijeti prigovor i to najkasnije u roku od 60 dana od dana objave predloženog imena. Prigovor mora biti u pisanoj formi i sa obrazloženjem.

(3) Ako Uprava utvrdi da predloženo ime sorte nije prihvatljivo, odnosno da je prigovor iz stava (2) ovog člana opravdan, poziva podnositelja zahtjeva da u roku od 60 dana predloži novo ime sorte.

(4) Ako podnositelj zahtjeva ne predloži novo ime sorte u roku predviđenom u stavu (3) ovog člana Uprava }e rje{enjem odbiti Prijavu.

Član 14.  
(Izuzeci u pogledu imena sorte)

(1) Ukoliko Uprava utvrdi da ime sorte koje je objavljeno u Sortnoj listi nije u skladu s odredbama ovog Pravilnika, donosi odluku o izmjeni naziva sorte u Sortnoj listi kao i o vremenskom periodu kori{tenja ve} objavljenog naziva sorte.

(2) Uprava obavje{tava podnositelja prijave o odluci koju je donijela u skladu s ovim Pravilnikom, a odnosi se na prijavu i navodi razloge za dono{enje takve odluke.

(3) U slučaju da je sorta priznata pod određenim imenom u drugoj zemlji, ukoliko je moguće treba koristiti isto ime, ako to ime nije svojim smislom ili izgovorom uvrjedljivo ili neprimjereno na službenim jezicima koji su u upotrebi u Bosni i Hercegovini.

(4) Ukoliko se ista sorta u drugoj zemlji stavlja na tržište pod različitim imenom to ime treba biti navedeno u Sortnoj listi kao sinonim.

#### **POGLAVLJE IV. UPIS ODRŽAVANE SORTE U SORTNU LISTU**

##### **Član 15. (Održavana sorta)**

(1) U cilju očuvanja biološke i genetske raznolikosti i održivog korištenja biljnih i genetskih izvora kroz uzgoj (in situ), domaće ili odomaćene sorte mogu biti upisane u Sortnu listu ako ne ispunjavaju sve uslove za upis sorte u Sortnu listu.

(2) Održavana sorta po osnovu odredbi člana 55. Zakona, može biti upisana u Sortnu listu.

(3) Tako održavana sorta se posebno označava u Sortnoj listi kao čuvana sorta.

(4) Održavana sorta može biti upisana u Sortnu listu kao čuvana sorta ukoliko:

- a) je različita;
- b) ne dođe do promjene svojstava u ponovljenom reprodukcijском ciklusu;
- c) ima odgovarajuću VCU vrijednost.

(4) Službeno ispitivanje čuvane sorte u cilju upisa sorte u Sortnu listu ne se provoditi ukoliko su utvrđeni slijedeći podaci:

- a) opis domaće sorte i njena denominacija;
- b) rezultati neslužbenog ispitivanja;
- c) znanja stečena kroz praktično iskustvo tokom uzgoja, umnožavanja i korištenja.

##### **Član 16. (Domaće i odomaćene sorte)**

(1) Domaća sorta je sorta ili populacija određene poljoprivredne biljne vrste koja:

- a) potiče iz domaćih biljnih genetskih izvora i nije bila predmet oplemenjivanja;
- b) je uzgajana u Bosni i Hercegovini;

c) je održavana i umnožavana u Bosni i Hercegovini u sličnim ekolo{kim uslovima.

(2) Sorta se smatra doma}om sortom ako:

a) je stvorena u Bosni i Hercegovini prije vi{e od 15 godina ili u slučaju loze vi{e od 30 godina;

b) se sjeme i reproduksijski sadni materijal jo{ uvijek proizvodi u Bosni i Hercegovini;

c) se održava i proizvodi u Bosni i Hercegovini ili u sličnim ekolo{kim uslovima.

(3) Odoma}ene sorte su starije sorte stranog porijekla koje:

a) su se proizvodile u Bosni i Hercegovini vi{e od 15 godina ili u slučaju loze vi{e od 50 godina i koje su se dobro prilagodile na proizvodne uslove u Bosni i Hercegovini;

b) se održavaju i proizvode u Bosni i Hercegovini ili u sličnim ekolo{kim uslovima.

(4) Rokovi iz stava (2) tačka a) i stava (3) tačka a) ovog člana, računaju se od dana stupanja na snagu ovog Pravilnika.

(5) Sorta koja je upisana u Sortnu listu kao doma}a i odoma}ena sorta zadržat }e se na Sortnoj listi ako sortu održava najmanje jedan održavatelj.

#### Član 17.

(Prijava za upis čuvane sorte)

(1) Prijava za upis čuvane sorte u Sortnu listu podnosi se Upravi na Obrascu 1. Priloga 3. ovog Pravilnika. U tački 12. Obrasca 1. mora biti naznačeno da je Prijava za čuvanu sortu.

(2) Uz Prijavu se dostavlja uzorak poljoprivrednog reproduksijskog materijala sorte i slijede}i podaci:

a) o porijeklu sorte iz člana 15. ovog Pravilnika;

b) o načinu i mjestu održavanja čuvane sorte;

c) o neslužbenim ispitivanjima i znanja stečena kroz praktično iskustvo tokom uzgoja, kori{tenja sjemena i reproduksijskog materijala sorte;

d) opis čuvane sorte.

(3) Uz Prijavu iz stava (2) ovog člana prilaže se Tehnički upitnik.

(4) Podnositelj Prijave iz stava (1) ovog člana, mora dostaviti nadležnim organima entiteta i Brčko Distrikta BiH standardni uzorak sorte, a kako }e



biti propisano posebnim propisom o priznavanju sorti poljopvrednog bilja u Bosni i Hercegovini.

(5) Doma}a sorta mora se održavati u području odakle potiče.

#### **POGLAVLJE V. SADR@AJ SORTNE LISTE I DOSJEA SORTE**

##### Član 18. (Sadržaj Sortne liste)

(1) Sortna lista sadrži podatke o:

- a) vrsti kojoj sorta pripada;
- b) imenu sorte s naznakom oblika imena kada je ime u obliku koda;
- c) sinonimu za sortu;
- d) upisnom broju sorte;
- e) licu odgovornom za održavanje sorte;
- f) zastupniku/opunomo}eniku održavatelja;
- g) datumu upisa sorte u Sortnu listu;
- h) datumu do kojega se može tržiti reproduksijski materijal sorte, nakon {to je sorta brisana iz Sortne liste;
- i) genetskoj modifikaciji sorte;
- j) da li je sorta doma}a ili odoma}ena.

(2) Sortna lista za povr}e sadrži i podatak za sorte čije se sjeme može staviti na trži{te samo kao standardno sjeme.

(3) Sortna lista za vinovu lozu sadrži podatke o:

- a) vrsti kojoj sorta pripada;
- b) imenu sorte i sinonimima za sortu;
- c) upisnom broju sorte;
- d) licu odgovornom za održavanje sorte;
- e) zastupniku/opunomo}eniku održavatelja;
- f) datumu upisa sorte u Sortnu listu, osim za sorte koje su bile priznate do 31. decembra 1971. godine;
- g) datumu do kojega se može stavljati u promet reproduksijski materijal sorte, nakon {to je sorta brisana iz Sortne liste;

h) genetskoj modifikaciji sorte;

i) osnovnim morfolo{kim i fiziolo{kim svojstvima po kojima se sorta razlikuje jedna od druge.

(4) Na prijedlog dobavljača koji održava osnovni materijal klona vinove loze, u skladu s posebnim propisom o stavljanju na trži{te materijala za vegetativno razmno{avanje vinove loze, za određenu sortu vinove loze mogu biti naznačeni i podaci klona i njegovog održavača.

#### Član 19.

(Dosje sorte)

(1) Uprava vodi centralni Dosje sorti i u njemu je sadržana sva dokumentacija o sorti.

(2) Dokumentacija o sorti čuva se deset (10) godina nakon {to je sorta brisana iz popisa sorti u Sortnoj listi.

(3) Svaka promjena vezana uz održavača sorte ili o sorti za vrijeme dok je upisana u Sortnu listu, mora biti dostavljena Upravi.

#### Član 20.

(Upis sorti u Sortnu listu Bosne i Hercegovine)

Uprava izdaje rje{enje o upisu sorte u Sortnu listu Bosne i Hercegovine na osnovu stručnog mi{ljenja Komisije za sorte.

#### Član 21.

(Rokovi trajanja upisa sorti u Sortnu listu)

Sorte poljoprivrednog bilja iz člana 3. ovog Pravilnika, upisuju se u Sortnu listu za period od 10 godina, u skladu s odredbama člana 47. stav

(2) Zakona, a sorte vinove loze, za period od 25 godina.

### **POGLAVLJE VI. OBNAVLJANJE UPISA SORTE U SORTNU LISTU BOSNE I HERCEGOVINE**

#### Član 22.

(Uslovi obnavljanja upisa sorti u Sortnu listu)

(1) Ukoliko su zahtjevi u pogledu prepoznatljivosti, izjednačenosti i stabilnosti sorte ispunjeni, Uprava može obnoviti upis ukoliko utvrdi da je uzgajanje sorte takvog obima, da opravdava obnavljanje upisa.

(2) Uprava ne}e odobriti prijavu za obnavljanje upisa ukoliko nije pla}ena naknada u skladu s propisima koji uređuju ovu oblast.

(3) Upis sorte se može obnoviti vi{e od jednog puta.

#### Član 23.

(Postupak obnavljanja upisa)

(1) Zahtjev za obnavljanje upisa sorte u Sortnu listu podnosi se na Obrascu 2. Priloga 3. ovog Pravilnika.

(2) Održavatelj sorte ili njegov zastupnik mora podnijeti zahtjev za obnavljanje upisa sorte u Sortnu listu Upravi i to najkasnije dvije godine prije isteka 10 godina od upisa sorte u Sortnu listu ili u slučaju vinove loze najkasnije pet godina prije isteka 25 godina od upisa sorte u Sortnu listu.

(3) Uz zahtjev za obnavljanje upisa sorte u Sortnu listu dostavlja se uzorak sjemena sorte za provjeru prepoznatljivosti, ujednačenosti i stabilnosti sorte.

(4) Prilikom podnoženja zahtjeva za obnavljanje upisa sorte u Sortnu listu održavatelj sorte ili njegov zastupnik dužan je u napomeni navesti način održavanja sorte i gdje se održavati slijedećih 10 godina ili u slučaju vinove loze slijedećih 25 godina.

#### **POGLAVLJE VII. NADZOR I ODRŽAVANJE SORTE**

##### Član 24. (Održavanje sorti)

Sorta se mora održavati za vrijeme trajanja njenog upisa u Sortnu listu.

##### Član 25. (Obaveza održavatelja sorte)

(1) Obaveza održavatelja sorte upisane u Sortnu listu, propisane su odredbama člana 48. Zakona.

(2) Sortu mogu održavati održavatelji sorti koji su upisani u Registar dobavljača sjemena i sadnog materijala poljoprivrednog bilja po osnovu odredbi člana 49. stav (1) Zakona.

(3) U slučaju sorti koje se održavaju izvan Bosne i Hercegovine, uvijek se uz održavatelja navodi i njegov zastupnik u Bosni i Hercegovini.

##### Član 26. (Nadzor nad održavanjem sorte)

(1) Nadzor nad održavanjem sorte provodi se prema odredbama člana 50. stav (1) Zakona.

(2) Nadzor se provodi kontrolom zapisnika o održavanju sorte i upoređivanjem sjemena koje održavatelj ili njegov zastupnik stavlja u promet sa standardnim uzorkom sorte.

(3) Održavatelj sorte mora voditi zapisnike o:

a) porijeklu izvornog materijala u postupku održavanja sorte;

b) količini proizvedenog poljoprivrednog reprodukcijskog materijala sorte koja je u postupku održavanja;

c) porijeklu izvornog materijala i proizvodnji predosnovnog i osnovnog sjemena i reprodukcijskog materijala;

d) porijeklu matičnih trsova i o količini proizvedenog reprodukcijskog materijala u slučaju loze.

(4) Održavatelj sorte mora omogućiti kontrolu:

a) površina i mjesta gdje se sorta održava;

b) dorade sjemena i reprodukcijskog materijala sorte koja je predmet održavanja;

c) zapisa o održavanju sorte i prateće evidencije;

d) nasada matičnih trsova sorte koja se održava.

(5) Ukoliko Uprava prema odredbama člana 50. st. (3) i (4) Zakona utvrdi da registrirani dobavljač ne ispunjava uslove za održavanje sorte, Odlukom poništava odobrenje.

(6) Ukoliko je dobavljač registriran za održavanje sorte, mora u roku od 5 godina od stupanja na snagu ovog Pravilnika izraditi Opis domaćih i odomaćenih sorti prema UPOV vodiču.

#### **POGLAVLJE VIII. PRIJELAZNE I ZAVRŠNE ODREDBE**

##### Član 27.

(Prijelazne odredbe)

(1) Do početka primjene ovog Pravilnika, nadležni organi entiteta i Brčko Distrikta BiH obavezni su imenovati članove Komisije za sorte koja provodi postupke prema odredbama člana 5. ovog Pravilnika i o tome izvijestiti Upravu.

(2) Do početka primjene ovog Pravilnika, Uprava je u saradnji s nadležnim organima entiteta i Brčko Distrikta BiH, donijeti propise na osnovu člana 59. Zakona, koji detaljnije propisuju rad Komisije za sorte.

(3) Do početka primjene ovog Pravilnika, nadležni organi entiteta i Brčko Distrikta BiH obavezni su imenovati izvođače ispitivanja sorti i o tome obavijestiti Upravu.

##### Član 28.

(Prestanak važenja ranijih propisa)

Danom stupanja na snagu ovog Pravilnika prestaje važiti Odluka o izuzimanju sorti ukrasnog, začinskog i aromatičnog bilja s popisa sorti u Sortnoj listi Bosne i Hercegovine ("Službeni glasnik BiH", broj 92/10)

##### Član 29.

(Prilozi)

Prilozi 1., 2. i 3. su sastavni dio ovog Pravilnika i isti se objavljuju zajedno s Pravilnikom.

##### Član 30.

(Stupanje na snagu)

Ovaj Pravilnik stupa na snagu osmog dana od dana objave u "Službenom glasniku BiH", a počinje se primjenjivati godinu dana nakon objave.

---

Broj UZZB-01-1-02-1232/10  
28. decembra 2010. godine  
Sarajevo

---

Direktor  
**Milad Zekovi}**, s. r.